



პირადი №

ბარათის №


ბატონო/ქალბატონო

თქვენ გადმოგეცათ ID ბარათი

- 1 გთხოვთ, ბარათის გადმოცემისთანავე შეამოწმოთ ბარათში მითითებული თქვენი პერსონალური მონაცემების სიზუსტე და უზუსტობის შემთხვევაში მიმართოთ დოკუმენტის გამცემ ტერიტორიულ სამსახურს.
- 2 ასევე დარწმუნდით, რომ ბარათთან ერთად გადმოგეცათ დალუქული კონვერტი, რომელიც მხოლოდ თქვენთვის განკუთვნილ საიდუმლო PIN კოდებს შეიცავს. კონვერტზე დაზიანების აღმოჩენის შემთხვევაში მიმართეთ ბარათის გამცემ სამსახურს.
- 3 არ დაუშვათ თქვენთვის განკუთვნილი PIN კოდების სხვისთვის გამჟღავნება.
- 4 ID ბარათი ყოველთვის უნდა იყოს დაცული გარე ფაქტორების ზემოქმედებისგან, წინააღმდეგ შემთხვევაში იგი შეიძლება დაზიანდეს.
- 5 მოარიდეთ ID ბარათი სინათლეს, სითხეს, კოროზიულ აირებს, ორთქლს, ქარბ მექანიკურ ძალებს (არ მოლუნოთ, არ დაკეცოთ ან დაგრიხოთ და ა.შ.) სითბურ და ქიმიურ ნივთიერებებს (კანის ცხიმი, მარბილებლები, ნერწყვი და მომეტებული სინესტე), მაგნიტურ ველსა და მიკროტალღების ზემოქმედებას.
- 6 ID ბარათი ნებისმიერ შემთხვევაში უნდა იყოს დაცული მზისა და ულტრაიისფერი სხივების ხანგრძლივი ზემოქმედებისგან. გახსოვდეთ, რომ მაღალი ტემპერატურა აზიანებს ID ბარათს, ხოლო მკვეთრი შუქი და ულტრაიისფერი სხივები ბარათის ფიზიკურ ცვეთას აჩქარებს.
- 7 ID ბარათი მოათავსეთ დამცავ გარსში, რომელიც გადმოგეცათ ბარათთან ერთად.
- 8 ID ბარათის დაკარგვის შემთხვევაში დაგვიკავშირდით ტელეფონის ნომერზე (995 32) 2 40 10 10 და მოითხოვეთ პირადობის ელექტრონული მოწმობის შეჩერება.
- 9 ID ბარათთან დაკავშირებული სხვა ინფორმაცია შეგიძლიათ იხილოთ ID ბარათის საინფორმაციო ვებგვერდზე - www.id.ge

საჭიროების შემთხვევაში დაგვიკავშირდით:

მისამართი: ზვიად გამსახურდიას საანაპირო № 1 (იუსტიციის სახლი)
ტელეფონი - (+995 32) 2 40 10 10



ID ბარათის ელექტრონული ფუნქციების გამოსაყენებლად გჭირდებათ:

PIN კოდები

PIN კოდები გადმოგეცემთ ID ბარათთან ერთად სპეციალურ, დალუქულ კონვერტში. არ დაკარგოთ ისინი და არ გაუმხილოთ სხვას. თუკი თქვენი PIN კოდები დაიკარგება, თქვენს ID ბარათს ველარ გამოიყენებთ ელექტრონული სერვისების მისაღებად (ავთენტიფიკაცია და კვალიფიციური ელექტრონული ხელმოწერა).

გახსოვდეთ: დაკარგული PIN კოდის აღსადგენად უნდა ეწვიოთ სახელმწიფო სერვისების განვითარების სააგენტოს ტერიტორიულ სამსახურებს, იუსტიციის სახლებსა და საზოგადოებრივ ცენტრებს.

ID ბარათის წამკითხველი მოწყობილობა

ID ბარათის წამკითხველი არის მოწყობილობა, რომელიც თქვენს ბარათს კომპიუტერთან აკავშირებს. მისი შეძენა შეიძლება იუსტიციის სახლებში, სახელმწიფო სერვისების განვითარების სააგენტოს ტერიტორიულ სამსახურებსა და საზოგადოებრივ ცენტრებში, ასევე, კომპიუტერულ მაღაზიებში. ჩვენთან შეძენილი წამკითხველი მოწყობილობის ინსტალაციის ინსტრუქციები იხილეთ ID ბარათების საინფორმაციო ვებგვერდზე - www.id.ge.

გახსოვდეთ: კომპიუტერულ მაღაზიებში შეძენილი წამკითხველი მოწყობილობა შესაძლებელია ყოველთვის არ იყოს თავსებადი ID ბარათთან. დადასტურებულად თავსებადი მოწყობილობების სია იხილეთ ID ბარათის საინფორმაციო ვებგვერდზე - www.id.ge

ID ბარათის მართვის პროგრამა

ამ პროგრამის საშუალებით თქვენ შეგიძლიათ დაათვალიეროთ ID ბარათზე მოთავსებული თქვენი პირადი ინფორმაცია და შეცვალოთ საიდუმლო PIN კოდები, რომლებიც ბარათთან ერთად გადმოგეცათ დალუქული კონვერტით. ამისათვის საჭიროა შემდეგი:

- 1 ეწვიეთ ID ბარათის საინფორმაციო ვებგვერდს - www.id.ge და გადმოწერეთ ბარათების მართვის უფასო პროგრამა Georgian ID Card - პირადობის ელექტრონული მოწმობის უნივერსალური პროგრამა;
- 2 მიჰყევით ეკრანზე გამოტანილ ინსტრუქციებს.

გახსოვდეთ: ამ პროგრამის საშუალებით შეგიძლიათ ID ბარათზე დააყენოთ თქვენთვის ადვილად დასამახსოვრებელი PIN კოდები. მნიშვნელოვანია, რომ ისინი სხვებისთვის უცნობი დარჩეს. PIN კოდების მართვის შესახებ დამატებითი ინფორმაცია მიიღეთ ID ბარათების საინფორმაციო ვებგვერდზე - www.id.ge

ID ბარათის გამოყენებით შეგიძლიათ:

ავთენტიფიკაცია ინტერნეტის საშუალებით

ავთენტიფიკაციისათვის მოქალაქის პორტალზე - www.my.gov.ge (ან ნებისმიერ ვებგვერდზე, რომელიც გთავაზობთ სისტემაში შესვლას ID ბარათის საშუალებით) საჭიროა მოიქცეთ შემდეგნაირად:

- 1 შეუერთოთ კომპიუტერს ID ბარათის წამკითხველი და მოათავსოთ მასში ID ბარათი;
- 2 მოთხოვნისას აკრიფოთ თქვენი 4-ნიშნა PIN კოდი (PIN 1), რომელიც გადმოგეცათ დალუქულ კონვერტში ID ბარათთან ერთად.

გახსოვდეთ: სამუშაოს დასრულების შემდეგ არ დატოვოთ თქვენი ID ბარათი წამკითხველში!

კვალიფიციური ელექტრონული ხელმოწერა ელექტრონულ დოკუმენტებზე

ID ბარათი ელექტრონულ დოკუმენტებზე კვალიფიციური ელექტრონული ხელმოწერის განხორციელების ინსტრუმენტია. იმისთვის, რომ ისარგებლოთ კვალიფიციური ელექტრონული ხელმოწერის შესაძლებლობებით, აუცილებელია კვალიფიციური ელექტრონული ხელმოწერის PIN კოდის გააქტიურება შემდეგნაირად:

- 1 გამოიძახეთ ბარათის მართვის პროგრამა Georgian ID Card - პირადობის ელექტრონული მოწმობის უნივერსალური პროგრამა;
- 2 ჩანართზე „ბარათის მართვა“ აირჩიეთ „PIN კოდების მართვა“, შემდეგ „ხელმოწერის PIN კოდი“ და დააჭირეთ ღილაკს „გააქტიურება“;
- 3 მიუთითეთ თქვენი PIN 2 კოდი (რომელიც გადმოგეცათ დალუქულ კონვერტში ID ბარათთან ერთად), თქვენთვის სასურველი 6-ციფრა PIN 3 კოდი და დაადასტუროთ.

ელექტრონულ დოკუმენტებზე კვალიფიციური ელექტრონული ხელმოწერის განხორციელებისათვის საჭირო პროგრამული უზრუნველყოფა განთავსებულია ID ბარათის საინფორმაციო ვებგვერდზე - www.id.ge

გახსოვდეთ: დოკუმენტზე სწორად შესრულებული კვალიფიციური ელექტრონული ხელმოწერა თქვენი პირადი ხელმოწერის თანაბარი ძალისაა. შესაბამისად, მისი გამოყენებისას სათანადო ყურადღება გამოიჩინეთ.

სხვა ოპერაციების ჩატარება

ID ბარათის გამოყენება შესაძლებელია:

- 1 სამგზავრო დოკუმენტად თურქეთისა და უკრაინის რესპუბლიკაში გამგზავრებისას;
- 2 სტუდენტური ფასდაკლების პროგრამაში მონაწილეობისას;
- 3 სხვა ელექტრონული სერვისების მიღებისას.